

# 大宋新譯三藏聖教序

御製

卿七

大矣哉我佛之教也化導群迷闡揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括万象譬喻無垠綜法網之紀綱演無際之正教拔四

章

生於苦海譯三藏之秘言天地變化平陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣極溺於三業途中經垂廿以難窮道無私而永泰雪山貝葉若銀臺之耀目歲月煙蘿起香界之自遠巍巍罕測杳杳難名所以道資十聖德被三賢至道起於乾元衆妙生乎太易摠繁形類竅鑒昏明絕彼是非開茲蒙昧有西域法師天息災等常

持四忍早悟三乘翻貝葉之真詮續人天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成障礙救諸疲羸冥昧慈悲浩汗物表柔伏貪恨啓滌昏愚演小乘聲聞合其儀論大乘正覺立其性含靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墮調御四衆積行十方澍華雨於金輪護洹沙於玉闕有頂之風不可壞無際之水弗能漂澄寂堪然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微闇豈堪序文以示來者如糜蠻燭火不足比之於皎日將微蠡量海未能窮盡於深淵者哉

二經同卷

法集名數經

多羅菩薩一百八名陀羅尼經

佛說法集名數經

西天譯經三藏朝散奏試鴻臚卿傳法師靈施護奉詔譯

歸命頂禮一切佛一切智智天人師無邊無  
數佛說法略集所說正法名先歸命三寶所

卿七

二

文

謂佛法僧

云何三乘所謂大乘緣覺聲聞

云何七種最大供養所謂禮拜供養懺悔隨  
喜勸請發願迴向

云何三根本所謂發菩提心清淨心自性空  
斷我見

云何十波羅蜜所謂布施持戒忍辱精進禪  
定智慧方便願力智

云何十八空所謂內空外空内外空空空大  
空勝義空有爲空無爲空畢竟空無際空散  
空一切法空本性空自相空無相空無性空  
自性空無性自性空

云何四無量所謂慈無量悲無量喜無量捨  
無量

云何四攝法所謂布施愛語利行同事

云何五通所謂天眼天耳他心宿命神境

云何四聖諦所謂苦諦集諦滅諦道諦

云何五蘊所謂色蘊受蘊想蘊行蘊識蘊

云何出世五蘊所謂戒蘊定蘊慧蘊解脫蘊  
解脫知見蘊

云何十二緣生所謂無明行識名色六入觸  
受愛取有生老死

云何三十七菩提分法所謂四念處四正斷  
四神足五根五力七菩提分八聖道

卿七

三

云何四念處所謂觀身身念處觀受受念處  
觀心心念處觀法法念處

云何四正斷所謂未生不善法不令生已生  
不善法令正斷未生善法令發生已生善法  
令增長真實不妄發精進心令得圓滿  
云何四神足所謂集定斷行具神足心定斷

行具神足精進定斷行具神足我定斷行具

神足

云何五根所謂信根進根念根定根慧根

云何五力所謂信力進力念力定力慧力

云何七菩提分所謂念菩提分擇法菩提分  
精進菩提分喜菩提分輕安菩提分定菩提

分捨菩提分

云何八聖道所謂正見正思惟正語正業正  
命正精進正念正定如是三十七菩提分法

云何四法種所謂正利正文正智正識

云何六念所謂念佛念法念僧念戒念施念天  
云何四法印所謂一切行無常一切行苦一

切法無我涅槃寂靜

云何十善所謂不殺生不偷盜不婬欲不妄  
語不兩舌不惡口不綺語不貪不瞋不癡

云何四根本煩惱所謂貪瞋癡我慢

云何五見所謂身見邊見邪見見取戒禁取  
云何四漏所謂欲漏有漏無明漏見漏

云何四漏所謂欲漏有漏無明漏見漏

云何三解脫所謂空解脫無相解脫無願解脫  
云何八有色所謂地水火風香味觸法

云何二無色所謂虛空識性

云何八定解脫所謂內有色觀外色解脫內  
無色觀外色解脫觀淨解脫具足住觀空無  
邊處解脫觀識無邊處解脫觀無所有處解

脫觀非想非非想處解脫觀想受滅解脫

云何九部法所謂契經祇夜受記伽他諷誦  
因緣本事本生方廣

云何十工頭陀行所謂常乞食次第乞食一  
座食先止後食持三衣毳衣糞掃衣於其草  
上長坐不卧顯路處居住樹下住塚間住空

寂處住

四

四

文

云何十地所謂歡喜地離垢地發光地炎慧  
地難勝地現前地遠行地不動地善慧地法  
雲地

云何菩薩十降伏所謂命降伏心降伏受用  
降伏法降伏生降伏神通降伏解脫降伏願

降伏業降伏智降伏

云何菩薩十力所謂解脫力拔苦力觀力忍  
力智力斷力聞力願力圓滿力愛力

云何如來十力所謂處非處智力自業智力  
知衆生性智力根勝劣智力種種界智力種  
種勝解智力徧趣行智力淨慮解脫等持等  
至智力宿住隨念智力漏盡智力

云何四知所謂知一切法種知一切說法知  
涅槃正道知漏盡智斷

云何五貪姤所謂法貪姤利養貪姤住貪姤  
爲善貪姤名聞貪姤

云何十八不共法所謂身無失口無失意無  
失無不定心無異想心無不知捨心欲無減  
念無減精進無減智慧無減解脫無減解脫  
知見無減身業隨智慧行口業隨智慧行意  
業隨智慧行知過去無礙知未來無礙知現  
在無礙

云何三十二相所謂足下平滿相足下千輻

輪文相手足柔軟相手足指間有金色網縵  
相手足諸指纖長圓滿相足跟廣長與趺相  
稱相足趺脩廣柔軟充滿相雙腨纖圓如鹿  
王腨相兩臂膚圓平立過膝相陰相隱密如  
象王相身諸毛孔各生一毛右旋紺青相髮  
毛上靡紺青柔軟相身皮薄潤塵水不住相  
身真金色光潔莊嚴相手足掌中頸及兩肩  
七處充滿相雙肩頭頂圓滿殊妙相兩腋  
下皆悉充實相容儀端嚴相身相廣長相體  
相縱廣形量相稱相於身上半如師子王相  
常有身光面各一尋相齒白如雪四十齊密  
相四牙鋒利鮮淨皎潔相於諸味中常得上  
味相舌相廣薄可得覆面至髮際相梵音洪  
雅隨衆等聞相眼睫齊整如牛王眼睫相眼  
睛之上紅環間飾相面如滿月眉如初月相  
眉間白毫右旋柔軟相頂有烏瑟臘沙如天  
傘蓋相

云何八十種好所謂指爪狹長光潤薄淨好

手指足指纖圓臙直骨節不現好手足各等  
指間充密好手足如意柔軟好筋脉堅固深  
隱不現好兩踝不現好行步直進如龍象王  
好行步齊肅如師子王好行步安平如牛王  
好進止儀雅如鵝王好凡所迴顧舉身隨轉  
好肢節臙圓妙善具足好骨節無隙如龍蟠  
好膝輪堅固妙好莊嚴好隱處文約圓滿清  
淨好身皮柔軟光淨離垢好身容敷肅無諸  
怖畏好肢節稠密安布妙善好身肢安定不  
掉動好身相光淨周匝端嚴好周匝身光恒  
自照耀好腹形方正柔軟不現好臍深圓妙  
清淨殊異好臍厚妙好無窊凸好皮膚清淨  
無諸垢染好手足充滿好手文不斷好脣如  
頻婆果好面門如量端嚴好舌相廣薄好梵  
音深遠好梵音美妙具足好鼻高修直好諸  
齒方整好諸牙圓白好眼睛青白分明好眼  
如青蓮華葉好眼睫稠密不白好雙眉長軟  
好雙眉紺琉璃色好雙眉高顯光潤好耳厚

四十七

六

文

相稱輪垂圓滿好兩耳齊平好容儀廣大皆  
生敬愛好額廣平正好身分上半無比對好  
首髮修長稠密紺青好首髮香潔好首髮無  
交雜好首髮無旒落好首髮光滑塵垢不住  
好身分充實喻那羅延好身體廣大端正好  
諸竅清淨好身肢無等好衆觀無厭足好面  
如滿月好唯向不背好面貌熙怡好身肢無  
垢好面門常香好毛孔常香好首如未達那  
好身毛光淨如孔雀項毛好梵音稱量應理  
無差好頂骨無人得見好手足指約如赤銅  
好行時去地四指能現印文好自侍不待他  
衛好惡心見喜恐怖見安好音聲和悅隨衆  
生意好隨有情類言音意樂好一音說法隨  
類各悟好次第說法必有應緣好觀諸衆生  
無憎愛好先觀後作軌範具足好不可觀盡  
相好好頂骨堅實好容顏不老好手足胷臆  
有喜旋德好

云何輪王七寶所謂金輪寶象寶馬寶摩尼

寶玉女寶主兵寶主藏寶

云何世間八法所謂利衰譏毀譽稱苦樂

云何三世所謂過去未來現在

云何四劫數所謂大劫母擎劫散地劫賢劫

云何四世所謂聖世正世像世末世

云何二法所謂生法滅法

卿七

云何四生所謂胎生卵生濕生化生

云何五濁所謂劫濁見濁煩惱濁衆生濁命

濁

云何四魔所謂煩惱魔天魔蘊魔死魔

云何六趣所謂天趣人趣脩羅趣畜生趣餓

鬼趣地獄趣

云何八寒地獄所謂匏地獄匏烈地獄虎虎

凡地獄哧哧凡地獄阿吒吒地獄青蓮花地

獄紅蓮花地獄大紅蓮花地獄

云何八熱地獄所謂等活地獄黑繩地獄衆

合地獄叫喚地獄大叫喚地獄燒然地獄極

燒然地獄阿鼻地獄

云何四大洲所謂南瞻部洲西俱耶尼洲北俱盧洲東勝身洲各有五百小洲以爲眷屬復有二鐵輪圍小鐵輪圍大鐵輪圍

云何七金山所謂持雙山持軸山檐木山善見山馬耳山象鼻山魚觜山

云何七海所謂盐水海乳海酪海酥海蜜水

海吉祥草海酒海

云何六欲天所謂四天王天忉利天夜摩天

兜率天樂變化天他化自在天

云何色界十七天所謂梵衆天梵輔天大梵

天少光天無量光天極光淨天少靜天徧靜天無量靜天無雲天福生天廣果天無煩天

無熱天善見天善現天色究竟天

法集名數經

聖多羅菩薩一百八名陀羅尼經

三藏傳教大師目法天奉詔譯